

10

BEATISSIMÆ VIRGINIS

GENITRICIS DEI

MARIÆ

THEOLOGICA DEMONSTRATIO.

F. FRANCISCVS A CRVCE

ORDINIS PRÆDICATORVM THEO.

LOGIÆ PROFESSOR, SVPREMI SANCTÆ

INOVISITIONIS SENATVS CENSOR.

POST VICARIATVS GENERALIS IN

Provincia Novi Regni, & huius Peruij munus ad Prouincialatum eiusdem ite-

rum atque iterum assumptus,

excogitabat.

S S. D. N.

INNOCENCIO

DIVIDICANDA OFFERT.

LIMÆ, Die 15. Mensis Septembris,

Anno M. DC. LIII.

Permette al signor de' Lang Sepolcra

The Chapel of
 St. James - London

SANCTISS. AC BEATISS. D. N.

INNOCENCIO. X. PONTIFICI MAXIMO

AMPLISSIMO, PISSIMO CLEMENTISSIMO
LIBERALITATE, RELIGIONE, IUSTITIA,

IN PAUPERES, IN DIVOS. IN OMNES.

MILITANTIS ECCLESIAE CAPITI

VIGILANTISSIMO.

VERE FIDEI, PRO SUMMO ANGULARI,
LAPIDI SOLIDISSIMO.

APOSTOLORUM PRINCIPIS SEDEM,
TOTIVS VIRTUTIS, ET MAIESTATIS

CUMULO, OCCUPANTI.

VETERUM PONTIFICUM OPTIMORUM,
ET HEREDI, ET EXEMPLARI.

OMNIUM ECCLESiarUM IN CONCVSSO

MONARCHAE.

CUNCTIS VENERANDO, SVBDITIS DESIDE-
RANDO, HERETICIS FORMIDANDO.

VOTIS CATHOLICORUM CONCESSO

PARENTI.

FAUSTIS GRATVLATIONIBVS ACCLAMATO

HIERARCHO.

LAETIS, IN AETERNVM OPTATO, CONCEN-
TIBVS FOETICITER PER VVLGATO

PATRONO.

PACIS PRINCIPI,

AQVITATIS CVSTODI,

MISERICORDIE PATRI.

V. F. P.

FR. FRANCISCVS DE LACRVZ.



IN BEATISS. D.N. præstantissimum tibi
tibi offert perficiendum opus de super
ad seruatum; vt immortalis ex co glo-
ria, alteri in debita, fruaris, qui solus
existis dignus, cum sis ad dandam scientiam sa-
lutis plebi eius à Domino concessus, redemptio-
nis, scilicet, in misericordiâ, quæ vera est salus,
cuius reconditissimum arcanum pro Beata sem-
per Virgine Genitrice Dei MARIA, ipsa auxilian-
te, per quam omne datum optimum, & omne
donum perfectum desursum, descenderens a patre
luminum fœlices misericorditer accepimus; tibi
gratum credo, omnibus iucundum non dubito,
vt arbitror in Theologia demonstratum T. S. ad
pedes pro volutus decernendum sacro: dum eis-
dem de Auxilijs diuinæ gratiæ cunctis plausibilē,
vt spero admitendum, iam iam suppono corri-
gendum discursum: vt quidquid salutis est, illu-
minatum relinquo; ne alterum desideretur lu-
men: & omnibus, ad dandam scientiam salutis
re, dono cœlesti, Ecclesia gaudere innotescat
semper.

V. S. D. C. P.



N CIVITATE CVZQVENSIS
ditissimi Peruvij Regni metropoli
degebam anno 1620. totus scolasti-
cis litteris sacratus; cum ecce à parti-
bus Europæ derivata procella uniuersum
hunc novum replens commo-
uet orbem, ex affectu populari erga

conceptionem immaculatæ Virginis erat exorta, ingreditur civitatem, clamoribus vociferantium diffunditur, qui tumultuantes aceruatim discurrunt, & concrepantibus turbis confusione plena resonat vrbs: cuncti aduersus nostram prædicatoriam familiam quasi honorem Dominæ cæli hostiliter vastantem insolenter in-
clamant. Quid absurdius? Cum ex ore virginali toties mirifice vti sui fidissimū propugnaculum existat commendata.

Accenditur animus P. Fr. Ildefonsi Muñoz pro nostra Religione, eius erat alumnus, vt autoritate Dices-
cesani sedetur tumultus, tueantur innocentes, ne contingat contemni (inimici communis hæc erat voluntas)
qui Doctores fidei in toto hoc Regno existerunt primi,
postulat me socium, annuo, & paternarum mearum traditionum abundantius, velut alter Paulus, æmulator
existens, illi adhæreo, de mane consurgo, eique associans plura conficimus, in cœnobium redimus, fatigatus ego in cellam propero, statimque, dum ob requiẽ
sedeo, somnium capio, & ecce ferox etiops minacibus oculis accedens manibus me suffocare contendit, pauidus expergo, me consulo, non credo somnio, credo tamen
deuotioni illi aduersari non licere, maxime mihi apud populum in pretio, & si erranter, habito, quam in
pectore recludens, aliam adhibens causam, in domo, vsque dum aduenit tranquillitas, quietus maneo; nec
ideo conceptionis puritati affectus.

Post multum verò temporis, cum pro Pietate rixam inter Catholicos disseminatam inspicerem, ne quod ad meritum referri putabatur, conferret ad culpam, omnipotentis implorata ope, *qui stultam faciens sapientiam huius mundi voluit per stultitiam prædicationis saluos facere credentes*, quo suæ doctrinæ patefaceret magnitudinem, & efficaciam veritatis diuinæ manifestaret virtutem, dum piscatores ad magisterium euecti omnem humanam sapientiam facile, instante diuina, illi subiiciunt; nam quanto ad altiora maior est instrumenti infirmitas, magis causæ virtutis splendet amplitudinis excellentia: in mentem veni, quid in hoc mysterio tenendum inquirere, credens meam humilitatem non despecturum, qui de humilium exaltatione gloriatur, ut per adeò exiguum instrumentum huius arcani veritatem ostensam suum esse demonstraretur opus, & mea parens Religio, quæ zelo fideli decertans, præmebatur, per me filium suum, inuenta luce, glorificaretur: & cui controuersia fuerat, dicere liceat, quasi ad opprobrium, esset ad laudem resolutio: & cuius dissensus apparebat aduersari pietati, consensus firmaret ad fidem. Quibus fiducialiter agens, veritatis indaginem ingresus, varia in animo reuocabam. Videbam omnes rationes, quibus Dominam nostram absque labe conceptam probat pietas, inefficaces; tantumque nobis, qui nihil arcanorum diuinorum noscimus, quandam persuadere congruitatem: cogitabam ex tot Regibus in genealogia Domini collocatis, quatuor, videlicet Dauidem, Iosaphatum, Ezechiam, & Iosiam, saluos esse, ceteros damnatos, idololatria, alijsq; indignis implicatos sceleribus; in eademque, quasi honoris gratia, tres peccatrices, ut sic dicam, feminas, alijs forte iustis suppressis, coordinari. Quare ad Dominæ nostræ conceptionis sanctitatem conferre esse Domini Matrem dubitabam.

Non

Non enim contraxisse maculam, & peccasse Dauidem, cui vt præcipuo Parenti facta est repromissio, arbitratur indecens: nec derogat sanctitati præteritum peccatum Petro, & Paulo testibus: non igitur peccatum originale contraxisse gratiæ cumulo quantumuis magno apponit obicem; quia nullum fuisse operatur aliquid. Cui accedebat Hieron. dicens: *conueniens esse, vt qui propter peccatores venerat de peccatoribus nascens omnium peccata deleat.* Considerabam tot Sanctos, Doctoresque Virgini amantissimos, quos congerit Bandellus, & Caietanus refert tract. de Concept. vnumque pro mille Doctorem Sanctum, vt putabam, conceptionis puritatem negantes, cui fabere sacre Scripturæ loca apparebat mihi, quibus Prædicatorum Familiam vere propugnaculum fidei acerrime adherere conspiciebam, ex quo hunc vniuersalem esse antiquorum, paucis demptis, consensum iudicabam.

In Matt.
cap. I.

At alia ex parte cernebam acclamationem communem, fere totam Ecclesiam occupantem, tot viros virtute, litteris, & sapientia insignes, taliter sanctitati Conceptionis addictos, vt pro minimo eam tanquam articulum fidei reputent defensantes mori, ab spiritu diuino hoc non prouenire existimare non poteram: non ergo de Dei prouidentia pro sua charissima sponsa, quā absque falsitatis ruga, & scditate erroris, totam fidei pulchram, veritate adamat coruscantem, aliter opinari licet. Quæ propter cum pro hac, quam piam vocant, sententia, non sit apertus sacre Scripturæ locus, non deesse aliquam rationem in Theologia firmam firmiter tenebam. Inquirebam, & inquirenti mihi die octauo solemnitatis Conceptionis 15. Decemb. ann. 1652. postquam cum Excellentiſſimo D. D. Comite de Salutierra Germano Pstorege puritati Conceptionis valde affecto aliqua pio discursu effem collocutus, fese

Primum principium ordinis naturæ, & gratiæ exponitur.

Omniū causarum prima est finis, ea mouetur efficiens, quæ à fine non mota nihil operatur, quare *omne agens agere propter finem* est proloquium communiter receptum.

Finis est duplex operis, & operantis, operis est qui naturæ rei est cōdebitus, à quo quasi specificatur opus: operantis verò est propter quem agens operatur, vt finis operis in eleemosynæ erogatione est subleuare miseriam pauperis; finis autem operantis, cum propter vanam gloriam elargitur, est vanitas.

Opus, pro operatione, & operato accipitur, vtriusq; finis est vltima eius perfectio, sic Arist. & D.S. I. ethic. cap. I. vt lapidis esse in centro, in operatis, ad proprium obiectum vniō, in operationibus, vt visio ad coloratum.

Finis operis est ei connaturalis, & adæquatus, ad quē conceditur appetitus à natura, quæ propiā, ad eum consequendum, sufficientes prebet vires; finis autem operantis æquatur eius virtuti non semper operi, multoties nanque excedit illud.

Finis operis est immediatus, seu proximus quem immediate opus appetit: finis vero operantis est vltimus operis quem respicit pro vt ab operante procedit, seu est operantis opus, est enim ad quem operans opus dirigit quia est propter quem operatur.

Quare operum Dei ad extra finis est correspondens singulorum naturis, vt lapidi esse in centro, & igni in cōcauo lunæ, Dei autem operantis finis est ipse, *uniuersa nanque propter semetipsum operatus est Dominus.* Prouerb.

¶ 6. quia extra se habere finem non potest, tum quia vt illud miraculum naturæ Arist. ait, *finis est finalizato melior*, & *nihil est melius Deo*. Tum quia repugnat habere aliquam causam sui: quare beatum se ipso fatetur idem polit. 7. lect. 1. litt. I. apud D. S. nec aliquid potest esse sui finis, quia *nihil est causa sui*. Valet tamen esse finis sibi operanti, vnde potest dici Deus finis ipsius operantis ad extra; quamquam cum operatio Dei sit substantia eius, quia nihil est actualius ipso, & actio est actualior actiuo, vt Philoso. vtar ratione, proprius dicitur finis sui operis vt est effectus ab ipso; quā ipsius operantis, quare *non vult vnum propter aliud, sed vult vnum esse propter aliud*. D. S. 1. p. q. 19. art. 5. vult enim vt sint propter ipsum creaturæ, *non autem vult propter se creaturas*: quia hoc denotat amorem sui esse causam amoris creaturarum, quod repugnat illi. D. S. ibi. in quo sensu accipiendus est finis operantis, cum sit sermo de Deo.

Vniuersorum igitur existentium, & possibilium finis vltimus est Deus, qui operatur omnia propter se, nec aliter aliquid potest fieri; cum contradictionem implicet non esse à Deo, & Deum non propter se operari, vel posse. Qua propter creaturas omnes tantum bonitatem medijs habere dicuntur. D. S. 1. p. q. 6. art. 4. quia omne opus, respectu operantis, & finis eius, habet medijs rationem, medium, inquam, respectu Dei, super abundantix, non indigentix, non acquisitionis, sed communicationis; quia non est medium vt aliquid Deus acquirat, sed vt ipsis creaturis communicet bonum, quia Deus intendit tribuere, non sibi comparare illud: non enim sibi, sed alijs operatur: quia non potest fieri melior, bene tamen facere meliora, est nanque sua bonitas diffusiva sui, non perfectibilis, eo quod sit infinita, & talis per essentiam. Vndè media sunt talia, quando ha-

habent non repugnantiam, vt bonum, à Deo intendente illis, accipiant, quam non repugnantiam, etiam ille præstat; vt artifex vitriarius, qui & materiam cum non repugnantia ad vasa, & vasa facit: omnia nanque existentia, & possibilia ad Deum, habent artificij rationē. *Omnium artifex docuit me sapientia.* Sap. 7. quod & latè docuit D. S. 1. p. q. 44. per tot. & probaberat ibi. q. 15. arti. 1. esseque ratione naturali notum asserit. 1. dist. 36. q. 2. arti. 1. c. dicens *apud omnes Philosophos omnia sunt in mente Dei sicut artificialia in mente artificis.* Quod manifestum est ratione eius loco q. 15. cit. quia hæc est differentia inter causas per naturam, & per artem: *Quod hæc habent formam in mente, illæ in re.* Natura autem omnium rerum est ars diuina. Vnde August. de Ciuit. Dei lib. 21. c. 8. *Voluntas tanti conditoris conditæ rei cuiuscunque natura est.* Ea namque est natura, quam suo intellectu fabricat, & voluntate approbat esse, sicut statux, quam artifex idea confingit, & voluntate facit; quod enim ab artifice est artificiale, à Deo est naturale, idque maxime apparet, quia omnia creata sunt cōposita, vniuersum ordine quodam componentia vnū; quod est artificij habere rationem; in hoc nanque essentia artificiati consistit.

Ex fundamento præiacto dixi in quodam meo discursu, euidens esse Deum possibilia amare necessario; quia creaturas amat vt media, sunt autem talia per nō repugnantiam adesse, quia sunt media non acquisitionis, & indigentiz, sed communicationis & superabundantiz bonitatis diuinæ, vt eis nimirum communicetur in esse, media autem amantur vt proportionata fini, nō vt consequitus est actu per ipsa, proportionantur autem creaturæ ad bonitatis diuinæ participationem per non repugnantiam ad esse, secundum quod amari actu dicuntur, quia media actu sunt communicabilitatis

tis, seu bonitatis communicabilis diuinæ necessario vt talis amata à Deo, secundum quod non repugnantiam habent vt eis communicetur esse, quod est bonitatis diuinæ participatio prima, vt paries non albus potens recipere albedinem amatur vt medium ad dealbationem, & lapis brutus vt medium ad statuam, nam si haberent esse, sicut si paries esset albus, non esset medium ad dealbationem, benè ad conseruationem albedinis, ita creaturæ non essent medium si haberent esse communicabilitatis diuinæ, quamuis essent medium diuinæ bonitatis communicatæ ad eius manifestationem, hac autem ratione libere amatur, & bonitas diuina cōmunicata, & creaturæ existentes in ipsa: illa vero necessario, quia non potest non amari vt communicabilis, cum de ratione bonitatis competat ei, & ideo, & medium illius, quod est creatura possibilis carens esse, & non repugnans illud habere, quod est non repugnare participare bonitatem, cum esse sit prima, & vniuersalissima participatio eius, ratione cuius primo aliquid dicitur bonum. Medium autem bonitatis participabilis debet bonitate actuali carere, nam si illam haberet non esset medium participationis, cum supponeret consecutum finem, qui est bonitas communicata, quā doctrinam hausi ex D. S. limpidissimo fonte. 1. p. q. 19. art. 2. de quo ibi latius egi, & q. 44. art. 4. vbi totus fere inuenitur hic discursus.

Hanc ob causam vltimus finis rei, qui est agentis, maximè superabundantiæ, non oportet vt adæquetur rei, sed operanti: quia non ex debito naturæ, sed ex bonitate, & largitate agentis est finis, est enim finis datus, non debitus, quare res, vt ipsum consequatur, expectat ab agente virtutem. Iplius enim est vires ad consecutionem prebere, non innatas, sed superadditas, ideoq; ex gratia, non ex debito.

Cum

Cum autem finis vltimus totius collectionis creaturarum possibilium sit bonitas diuina in sua amplitudine sumpta, vnius cuiusque creaturæ, quæ diuersæ est naturæ ab alijs, est ei aliqua specialis ratio bonitatis finis, eo quod agens specialem effectui tribuens formā, finem intendit specialem, quare vniuersum hoc, quod vna ex possibilibus creaturis erat in mente Dei, sicut & existit vnum ordinis vnitatem. D. S. 1. p. q. 47. art. 3. ipsum enim vt ex suis partibus compositum, & integratum quoddam artificium Dei reputatur esse, quod adinuenit, & fecit sapientia diuina. D. S. ibi. art. 2. & 3. Specialem rationem bonitatis diuinæ ex intentione conditoris assignari est necesse vltimum eius finem; quam manifestum est esse diuinam munificentiam, prout misericordiam & iustitiam ambit, quia in omnibus operibus Dei ad extra, quibus componitur, & conseruatur orbis, hæc vtraque splendescit perfectio. D. S. 1. p. q. 21. art. 4. quid autem esset finis vniuersi ex sui opificis voluntate in ipso notificare oportebat, cum ad hoc creatus sit mundus. D. S. 1. p. q. 44. & q. 47. per tot. dicente Paulo de omnibus gentibus. Rom. 1. *Inuisibilia Dei à creatura mundi, per ea quæ facta sunt, intellecta conspiciuntur, sempiterna quoque eius virtus, & diuinitas.* Vbi D. S. de fine interpretatur *Diuinitas*, quæ enim ratio omnibus partibus competit bonitatis, secundum quam omnia in vnum coire videmus, ipsam esse præcipuam perfectionem, & finem totius est iudicandum, ad quam ostendendam artifex fabricat opus, vt in reliquis arte factis apparet, quæ licet in vnaquaque diuersimode representetur hoc fit vt D. S. docet cit. 1. p. q. 47. art. 1. *Quia Deus produxit res in esse propter suam bonitatem communicandam creaturis, & per eas representandam, & quia per vnā creaturam sufficienter representari non potest, produxit multas creaturas, & diuersas, vt quod de-*
est

est vni ad representandam diuinam bonitatem, supleatur ex alia. Cumque vnus vnus sit finis, vt ibi art. 3. habetur, & vnus facti vnus finis operantis, iustitia autem, & misericordia sint diuersæ rationis, ea, in qua vtraque conuenit, finis est vniuersi ex voluntate operantis ipsum, hæc est munificentia, in qua, quia superior ad misericordiam, & iustitiam, habent vnitatem, est enim *tribuere alteri bonum per modum ei subuenientis*; quod si ex gratia conferatur, erit misericordia, si vero ex debito, iustitia; ex debito, inquam, respectu Dei, secundum geometricam proportionem, quod constituit distributiuam iustitiam, quam Deo dumtaxat concedimus, in qua ex parte dantis, Princeps supremus sinit, quod confertur, muneris habet rationem, quamvis collatio sit debiti, quare etsi res sit debita rei, Deus non est debitor, est tamen iustus quando illam tribuit, quia iustum, & iuste facit: quemadmodum iudex, vel quasi, quia sua omnia sunt, & res debita, & cui debetur, quod non contingit in iudice. Huius veritatis ostensionem & fecit, & facit Dominus conditor, & conseruator orbis, dum in omnibus operibus suis, vtrunque misericordiae & iustitiae manifestat, vt dixi, virtutem.

Finis, qui secundum rationem communem est talis, non nisi in speciebus atomis exercetur; quia in re tantum speciei determinatæ indiuidua existant, vt visus hoc album videt, non coloratum vt sic, quamuis sit obiectum, & finis proximus illius. Ideo etsi munificentia diuina sit finis vniuersi vltimus, non inuenitur in re, nisi in misericordia & iustitia singulariter, & in indiuiduo contracta, quare cum depraxi agendum sit, de illis, ratione seclusa communi, determinabitur.

Cum autem non sufficiënter manifestetur misericordia, & iustitia Dei vt sua in operibus naturæ, & bono illius, quia tantum vt infinita, est propria Dei, & eius

eius attributum, eo quod, præcisa infinitate, creaturatum est virtus: et qui finis vniuersi vltimus, & Dei producentis illud, est optima bonitatis diuinæ secundum rationem misericordiæ, & iustitiæ suæ, in communicatione, manifestatio, ergo vt infinita, quod & manifestum facit, quia pro vt sic, & non aliter est finis adæquatus Deo operanti, & vltimus operis adæquatur agenti; agēs autem Deus vniuersum ex nihilo creans, infinitam exerceet virtutem secundum infinitatis rationem, quia ex nihilo aliquid facere tantum est infinita vt infinita virtutis: ergo finis vniuersi vltimus; qui est Dei creatis, infinitus est asserendus. Cunque sit manifestatio bonitatis diuinæ per modum munificentia in misericordia, & iustitia, debet esse infinita munificentia in infinita misericordia, & infinita iustitia, quæ sit per sui optimam communicationem, in hac namque ostensa, consistit manifestatio.

Ex quo non infertur quod huiusmodi finis sit debitus vniuerso, sed intentus ab operante: quia operantis finis, maxime liberi, non est debitus operi, sed dabilis: vel donandus ex gratia, est tamen volitus illi ex superabundantia agentis, quod cum sit infinita perfectionis, infinitatem redolet finis: ideoq; in opere quod est creatura non sunt ad ipsum, nec possunt esse, connaturales vires, sed ab authore expectandæ, & cum sit finis agentis ex intentione libera illius, nullū oportet esse in opere principium intrinsecum ad ipsum, sed duntaxat non repugnantiam, Quare ad cōsecutionem est ordo gratiæ concedendus, quia finis est supra naturam, eo quod cōditori modo possibili adæquatus, ex eius gratia, & voluntate donandus.

Munificentia igitur infinita in misericordia, & iustitia infinita manifestatio est finis huius vniuersi. Cunque iustitiæ ratio in satisfactione debiti consistat, dato infinito

nito debito, & infinita satisfatione, infinitas manifesta-
tur iustitiæ: & cum subleuare miseriam per donum ex-
pellens illam sit misericordiæ, essentiæ, posita infinita
miseria, & eam expellente dono infinito, misericordiæ
datur infinitas.

Possibilem esse infinitam miseriam, videns in sua
æternitate peccati possibilitatem, agnouit, hancque do-
no infinito esse reparabilem in sui verbi per modum
redemptoris possibilitate conspexit incarnationis, in ip-
soque peccato vt offensa infinitatem debiti, in sui que
verbi incarnati passione infinitatem satisfationis, cuius
manifestatio, & executio cum in communicatione sui
consistat, huic vniuerso communicare decreuit, & in-
tendere finem. Qua ratione tradidi in meo de incarna-
tione discursu suppositis sipei, & Theologiæ prin-
cipijs demonstratum Theologice Adamo non peccante
Christum Dominum non venisse, quia primum, quod
nostro intelligendi modo in intentione Dei creatis cō-
cipitur, est ultimus finis vniuersi, qui est creatoris ope-
rantis illud.

Hic autem est manifestatio suæ bonitatis in eius cō-
municatione per modum misericordiæ, & iustitiæ infi-
nitæ: ostensio autem huiusmodi, non nisi in redemptio-
ne, & satisfatione pro peccato persona operante diui-
na, reperitur, reliqua vero ordinis naturæ & gratiæ ha-
bent ad hunc finem mediij rationem, eo modo, liceat
nunc, quo dicitur de meritis respectu electionis ad glo-
riam non præiis, dixi liceat, quia aliter de decretis
Dei tantam maiestatem magis condecens excogitari
dicere, & dixi.

Ex quibus manifestum est Christum Dominum esse
ipsam infinitæ misericordiæ manifestatam executionē
in nostra per suum sanguinem redemptione. Quod est
primum principium huius demonstrationis, ex quo hæc

consequentia inferitur : ergo omnibus modis quibus possibile est fieri, facta fuit redemptio humani generis per Passionem Christi, aliter infinitudo eius non manifestaretur, si aliquis modus redimendi hominem deficeret, quia non factum non manifestatur, illaque redemptio quæ haberet modum, qui deesset redemptioni per Christum factæ, esset vel perfectior, vel copiosior, quod derogat dignitati Christi, repugnatque rationi, quod possibilis sit aliqua excellentioris, vel maioris ullo pacto virtutis, quam quæ per Personam Verbi fuit consummata: quia Persona est diuina infinita, & natura inter passibiles duntaxat merendi capax, & cæteris perfectior, nec esset infinitæ misericordiæ manifestatio, si modus miserendi in redemptione abesset aliquis.

Ergo omnibus modis quibus possibile est fieri, facta fuit redemptio humani generis per passionem Christi.

Hæc est maior propositio.

Sed quidam modus redimendi genus humanum est redimere illud in Adamo vt capite.

Hæc est minor, & est nota, quia in quo quis peccat potest liberari, & in quo quis contrahit reatū ab eo absolui, cū eadē sit oppositorū ratio, sed in Adamo vt capite peccauit & reatum genus humanū contraxit: ergo in Adamo vt capite potuit liberari per Christū, sicut & ipse Adamus liberatus est in persona Sap. 10. *Hæc illū, qui primus formatus est à Deo pater orbis terrarum, cum solus esset creatus, custodivit, & eduxit illum à delicto suo, & dedit*

dedit illi virtutem continendi omnia. Omnis autem gratia post lapsum Adæ, ipsi, & cæteris collata fuit ex meritis Christi, quod de fide asseritur à Theolog. 3. p. q. 19. art. 4. Porret. ibi. app. probat pluribus sacræ Scripturæ testimonijs, & Conc. Trident. sess. 6. cap. 7. cū alijs eiusdem Conc. locis. Nazar. eodem art. 4. controu. 2. conclus. 2. Suarez disp. 41. sect. 1. Vazquez disp. 77. cap. 5. Asturicensis quæst. 5. Cabrera ibi. disp. 22. cōclus. 2. pro qua veritate firmanda longa esset Doctorum, & Patrum narratio.

Ratio conuincit ex vniuersali mundi redemptione, & causalitate finali, misericordiæ scilicet infinitæ in Christo Redemptore manifestata, & perfecta, quæ petit influere in omnem à peccato liberationem. Sino alias rationes, quibus authores citati vtuntur, non minus efficaces in Theologia, nota nanque est hæc veritas omnibus.

Ergo genus humanum redemptum fuit in Adamo vt capite saltem in aliquo indiuiduo.

Hæc est consequentia. Est bona, quia bene infertur ex præmissis, est nanque in *Domj*, cuius medium *modus* ^{+ferio.} *redimendi genus humanum*, in maiori distributum, & particularizatum in minori; consequens autem sic expono: suppono quod vt dicatur genus humanum redemptum sufficit esse aliquem hominem per Christi Domini passionem saluum, quia in vnoquoque indiuiduo saluatur species, aliter, si non omnes salui fierent, vt de facto est fide tenendum accidere, genus humanum nō esse per Christum redemptum esset dicendum, quod blasphemum est. Esse nanque in pluribus redemptum, & esse

esse in vno nihil ad essentiam siue speciem refert; sed ad extensionem, quæ valde accidentalis iudicatur. Suf-
ficit ergo vt exerceatur modus aliquis redimendi, & in
ipso manifestetur misericordiæ amplitudo quod in v-
no indiuiduo compleatur, vt ad exercitium artis, & per-
fectionis eius ostensionem, sat est aliquod opus eo mo-
do, quo vult, vt fiat nota, conficere.

**At indiuiduum quod in Adamo re-
demptum fuit, peccatum origina-
le non contraxit in persona.**

Hæc est magis nota propositio, nam sicut cum A-
damus peccauit nemo ex eius filiis in persona peccasse
dicitur, quia, vt in persona contrahat quis peccatum,
requiritur existentia, & in propria persona subsistere,
nam in eo, quod nō est, non est peccatum. Hoc nanque
est in persona contrahere peccatum parentis, existere
in persona per generationem ab ipso parente maculā-
te naturam. Primus nanque homo, eo quod in eo fuit
tota, vt in origine, natura, scdare eam potuit, & ideo
omnes posteros in ipso. Quare in eos, siue personas eo-
rum, transfunditur, sicut & natura, peccatum. Vnde
ante quam existant non contrahunt peccatum, ergo
qui in parente redemptus esset, non contraheret pecca-
tum; quia in illo liberatus esset antequam existeret. Nec
aliter se haberet respectu illius, qui redemptus esset,
quam si peccatum non commississet ipse primus pater,
in quo si totum genus antequam aliquem generaret fi-
lium esse liberatum, nullus in peccato esset originali
conceptus.

Ergo aliquod indiuiduum ab Ada-

mo via generationis propagatum
non contraxisse peccatum origi-
nale est fatendum.

Hæc est bona consequentia ex præmissis quarum ma-
ior est, vt ponatur in *Darij* syllogismus, propositio ante-
cedens imediata, & minor prima illa: alia consequen-
tia, formatur nanque hoc modo.

Redemptum in Adamo vt capite
non contraxit originale pecca-
tum in persona.

Sed aliquod indiuiduum redemptū
est in Adamo vt capite.

Ergo aliquod indiuiduū non cōtra-
xit originale peccatū in persona.

Hæc ergo necessario est fatenda consequentia, quia
bene illata ex indubitatis præmissis,

At de nemine licet hoc asserere ex-
cepta Beata Virgine.

Nam in Concil. Trident. sess. 5. definiente omnes
filios Adæ contraxisse maculam originalem can. 3. illā
duntaxat excipit. §. *Declarat tamen.* His verbis. *Decla-*
rat tamen hæc ipsa sancta Synodus non esse suæ intentionis
comprehendere hoc decreto, ubi de originali peccato agitur.
Beatam

Beatam, & immaculatam Virginem Mariam Deigenitricem, sed observandas esse constitutiones felic. recordat. Sixti Papæ IIII. sub panis in eisdem constit. contentis, quas innovat.

**Ergo Beatissima Virgo Mater Dei
Maria peccatum originale non
contraxit.**

Huius consequentis veritatem demonstratam theologicè arbitror : quia præmissæ sunt in Theologia per se notæ, & consequentia necessaria.

Confirmatur non minq̃ris efficacitatis ratione.

In Adamo potuit fieri redemptio generis humani ex Christi Domini meritis ; sicut & ipse Adamus liberatus est ex illis , ergo passio Christi huiusmodi virtutē habuit quoad sufficientiam : non enim hoc est meritis passionis Dominicæ denegandum : Tum ex infinitate ; tum ex perfectione virtutis ; necesse enim est quod adæquetur totaliter , cum sit virtus redemptiva , redimibilitati à peccato generis humani , imò vltra mensuram superare est opus , eo quod Persona divina dignificet illam vt suam ; nam virtus redemptiva est Divinæ Personæ , quam , vt cuius est , claudit conceptus eius formalis , eo quod redimere à peccato Dei hominis solius est , sicut pro illo satisfacere ; ergo si genus humanum in Adamo , vt capite potuit liberari à peccato , passio Christi valuit quoad sufficientiam illud liberare ; aliter in aliquo statu posset redimi , in quo passio Christi non valeret illud redimere , & misericordiæ deesset communicatio ; infinitasque eius non manifestata , sed occulta maneret ; excederetque reatus peccati virtuti , siue excellentiæ Personæ Divinæ hypostetice unitæ , quæ est
donum

donum expellens miseriam culpæ, & peccatum magis afficeret genus humanum, quam posset Christus Dominus sanare; maiorque esset maculatio, quam potestas abluendi, & consequenter diminuta misericordiæ cōmunicatio, & defectus videretur ex parte Dei, quia suppleret miseria suam misericordiæ infinitatem ad extra, cum maius non sit possibile, quam ipsius met Personæ Diuinæ humanitari vnitæ, misericordiæ opus.

Aliquodque malum posset subsistere irreparabile à Deo, quod blasphemum puto; quia cum nulla reparatio peccati posset esse maior quam per Personam Diuinam prout potest concipi; & hæc non esset sufficiens, sequeretur quod cum Adamus peccauit, & eo ipso in eo genus humanum maculatum mansit, quod in eodẽ Adamo malū esset generis humani irreparabile à Deo, quod absit: ergo dicendum est quoad sufficientiam redemptum, siue redimibile esse humanum genus in parente per passionem Domini.

Ergo in aliquo indiuiduo efficaciam habuit, quia cū sit, ad manifestationem concessa, redemptiua virtus, & non manifestetur non exercita, quia *solum factum est manifestum*, necesse est vt efficacem fuisse, saltem in aliquo indiuiduo, fateatur; ne frustra data diceretur virtus; & cum hæc ad finis consecutionem, qui manifestatio est misericordiæ infinitæ, vt medium sit electa totaliter, inutile esset in hac ratione, & finis, qui in executione mediorum, vt eorum effectus consistit, ea careret: nec copiosa absolute diceretur redemptio, quia copiositas non est intelligenda quoad indiuidua, cum non omnes homines saui fiant, nec quoad sufficientiā, quia hæc non facit copiosam arborem, sed fructus, ergo quoad effectus secundum omnes redemptionis modos, & in omni statu, in quo redimibile est humanum genus, esse efficaciter redemptum in aliquo ad mini-

munum indiuiduo, cum fructus redemptionis, vt copiosa dicatur, sit efficacia, & effectus. Psal. 129. Quare misericordie demonstratio, hoc modo possibilis per redemptionem à Christo Domino, abesset: quod non parum derogat eius bonitati liberaliter nobis condonata: vnde & misericordie infinitatis manifestatio, quæ est finis Dei operantis ad extra, non subsisteret: ergo facta fuit in aliquo, ergo in Beata Virgine, cum de alio affirmari non deceat.

Nec contemnenda est alia ex dictis, quæ deducitur, ratio huiusmodi: Christum Dominum generis humani esse redemptorem credere oportet, at cum maiori proprietate dicitur talis, si genus humanum in parente redimat, quam si singulos redimeret homines; quia proprius fuit genus humanum in Adamo, quam in singulis, cum in eo originaliter totum sit vniuersaliter sumptum; in singulis vero singulariter ideoque in illoduntaxat fuit proprie genus, potuitque contrahere peccatum. Nam ipso non peccante, omnes post ipsum, & si peccarent, non ideo genus scd datum, nec peccatum naturæ, cū qua, quia suum transfunditur, existeret vllū; ergo duntaxat in Adamo potuit genus humanum peccato ligari, ergo & in ipso cum maiori proprietate solui: nam in quo primo infirmare potest, in eo proprius sanare; ergo redimens in Adamo genus proprius existit, & denominatur eius redemptor; ergo redemptum fuit in Adamo; ergo cum non sit totum redemptum, fuit in aliquo indiuiduo, quod in Adamo vt in origine erat; quia prout sic consideratur genus in ipso redemptum, cum sit generis ratio esse in origine. Ipse autem Adam non est in origine nec in ipso natura sanata, sed persona, quia non fecit sibi peccatum naturæ, sed filiis; in quibus, & si sanatur singularis propria cuiuslibet natura, cum iustificatur aliquis, vt cum per Baptismum
ab

ab originali labe mundatur homo, non tamen ideo natura est sana, sed hæc, quia in vno quoque inuenitur vt hæc. Vnde est sana Petro cuius est, non Ioanni, & si filius sit Petri, quia ad filium non transit natura singularis Patris, sed natura quæ in Adamo originaliter fuit efficienter in filium per patrem traducenda.

Nec parum iubat intentum videre tot modis redemptionem per Christi Domini meritum executam efficaciter. Videntur namque à peccato originali liberi in utero vt Baptista, in infantia vt Samuel, in alijs statibus quam plures. Ex opere operato per sacramentum vt causam, & per circumcisionem vt signum, ex opere operantis per penitentiam, & alijs modis, ita vt confiderari nō possit qui non inueniatur cōfectus præter præfatum in protoparente propositum, qui cum sit præcipuus prius omnibus est exequendus: nam in ordine perfectionis, cuius est redemptio, prius ponitur quod perfectius est, ideo Christus prædestinatorum primus, & antequam mulier productus vir. D. S. sup. Gen. cap. 3. ergo efficacia passionis Christi ad hunc redimendi modum est concedenda, cum præcipue sit ad genus humanum liberandum prædestinatus Christus. Quare principalius ad peccatum originale delendum. Quia est totius generis humani, & maius extensue, vt docet D. S. 3. p. q. 1. art. 4. ergo eo modo, quo proprius dicitur deleri, deleuit illud, ergo in Adamo genus humanum liberatum est in aliquo indiuiduo, quod ex inde sine peccato fuit conceptum, ergo Beata Virgo de qua sola hoc affirmare licet.

In hoc redemptionis modo maior ostenditur misericordia, & virtus redimentis, ergo, si ad manifestationem infinite misericordie in maiori virtute redimentis, est facta incarnatio Domini, huiusmodi redemptio fuit potior in virtutis efficacia, antecedens est notum,

quia quanto minus ad iustificacionem operatur peccator, tanto magis relucet, & est misericordia maior, ut ex opere operato quàm ex opere operantis gratiæ collatio, maiorque virtus quanto ad effectum minor proportio ex parte materiæ inuenitur, ut patet in miraculis; quæ ex hac causa probant diuinam virtutem, & creatio quia ex nihilo, infinitam: quæ propter maior misericordiam maiorque virtus redimentis est sanctificatio Ioannis in vtero quam Petri poenitentis, quod probat rarofactum, ergo excellentiam virtutis, & in ipsa, misericordiam efficaciam, ostenditur in redemptione generis in Adamo longè melius quam in alio redemptionis opere; quia subiectum huiusmodi redemptionis non existit, & minor est in eo ad eam proportio, quanto remotius ab esse, quod tantum habet in origine: ergo maior ostenditur in eo misericordia, & virtus redimentis.

Cumque genus humanum ex demonstrationibus factis in Adamo esse redimibile constet, redemptumque per Christi Domini meritis saltem in aliquo individuo, quod ex eo conceptum absque originali peccato est asserendum, & de Beata Maria Virgine Genitrice Dei; quia de alio nefas est cogitare, hoc liceat, decernente Concilio Trident. cit. omnes peccatum originale, præter ipsam, de qua nihil determinat, contrahere, qui via generationis naturalis à proto-parente ducunt originem, ipsam esse sine labe conceptam est absque hæsitatione tenendum.

Exemplum sit ut omnes doctrinam capiant: quis ob heroicam virtutem ad nobilitatem euectus sit sui generis caput, ex quo in ipso nobilitantur omnes posterii. Hic antequam aliquem generet læsæ maiestatis crimen incurrit, quare omnes in ipso ab eo per generationem propagati macula infecti existunt illa, quia eo quod caput
gene-

generis ille constituitur, genus scdauit totum crimine illo, & quod personale fuit ipsi, generis est filijs: non tamen antequam sint illum incurrunt, nec quo ad debitum, nisi vt sunt aliquid illius, seu in genere illo contenti, sed vir ille illis hoc acquisiuit: non in personis, sed se fecit non aliter posse generare eo quod suum maculauit sanguinem: quare non potest communicare illum non maculatum. Quod si Rex vellet quod aliquis nepos illius auita deperdita in parente nobilitate fueretur, ob aliquem finem, sibi agenti libere, à se prastitutum, in ipso parente fieret liberatio dicens, volo vt talis huius filius ab huiusmodi nota sit liber, quo sine macula conciperetur nobilis, & gauderet natus. Hoc proportionem seruata de Beata Virgine asserendum euidentem esse in Theologia factis rationibus arbitror.

Ex dictis puto dicendum Beatissimam Virginem debitum peccati non contraxisse; quia illud est generis, siue naturæ non personæ, quod si in Adamo liberati essent omnes, nullus debitum contrahere diceretur; debitum namque fuit in Parente ad communicandam naturam cum macula, quia maculatum sine macula communicari non potest, si non prius mundetur ab ipsa. Quia nil contrahere debiti vel culpæ potest quod est, antequam sit; quia antequam sit, non est, & quod non est debitum habere non valet.

Opones, ergo nulla est gratia liberatrix, nec redemptionis effectus, si debitum non contraxit Beata Virgo.

Respondeo quod est gratia liberatrix in parente, cuius effectus est Beatam Virginem esse à peccato & debito illius immunitate conceptam: nam cum ipse pater deberet transfundere maculam ex infecto sanguine in posteros, ab hoc defectu quoad generationem Domine ex meritis Christi est absolutus, & ex eisdem Domina libera in ipso. Vnde non tenetur, quasi dicam, generare

nerare peccatorem, sed absque peccato. Quare ingenito nullum ad peccatum potest considerari debitum.

Nec ex hoc sequitur aliquem sanguinem ab Adamo per parentes transmissum vsque ad Beatam Virginem deriuatum mundum; quia hoc sine fundamento mihi videtur dictum; sed ea ratione, qua dicitur Petrus in originali conceptus, quia Adæ filius, eo quod in ipso vt in origine peccauit, Virgo Maria sine eo est concepta, eo quod in parente est liberata vt in origine; quia contrahere peccatum ad proto parentem dicit immediatum ordinem, quia in ipso natura est maculata. Non enim à proximo parente hoc aliquomodo habet natura, sed per respectum ad primum. Itaque communicatur ab immediato vt est communicabilis à primo, ideo infecta: quod si in primo respectu alicuius fuit munda, munda communicatur, quia hoc modo est communicabilis ei à primo.

Cur cum Adamo ex meritis Christi post peccatum per pœnitentiam gratia fuit collata, non dicatur in ipso sanctificatum, siue redemptum genus humanum, cū per peccatum non desineret esse caput: nam si peccatū hanc auferret dignitatem, nec in ipso vt capite Beata Virgo esset liberata, quia liberata debet esse post peccatum?

Dico peccatum Adæ respectu ipsius esse actuale, respectu autem exterorum originale, hoc est, in ipso vt suum, personale, vt aliorum, naturæ, vnde iustificatus fuit vt particularis personæ, quemadmodum quælibet altera, non vt caput. Quare etsi in ipso non mansit culpa mansit ad illam naturæ reatus, quod est manere infectam originem, in qua non potuit Adamus ab originali mundari, quia nec ipsi potuit esse originalis culpa eo quod non haberet originem aliam, cum originalis culpa sit ab origine in originatum procedens. Nec potuit

tuit Adam in origine liberari, quia ut aliquis in origine à culpa liberetur, necesse est quod antequam existat præcedat origo, in qua originaliter esse dicatur, quod repugnat primo. Vnde nec ab originali nec in origine potuit absolui, sicut Virgo Beata, cui hoc genus redemptionis conuenire asseritur, & contradicere Adamo, cui & pro genere satisfacere non adfuit facultas, nec valuit.

Opponuntur authoritates aliquæ.

EX Apost. Rom. 5. *Omnes in Adam peccauerunt.* Ergo & Beata Virgo cum syncathegorema *omnes* neminem excludat.

Dico esse veritatem fidei non indigentem expositione, quia verificaretur, & si omnes post Adami peccatum sine eo concepti essent. Poterat namque Deus ane-
re culpæ in Adamo totam absolvere naturam, tuncque omnes sine peccato conceptos, & in Adamo peccasse esset dicendum; quia ut sit verum, *Omnes in Adam peccauerunt* fat est ut in protoparente tota natura fuerit infecta. Quod verificatur eo præcise quod Adam fuerit lapsus, quamquam post lapsum totum liberaretur genus, concipi enim sine peccato est quid personæ personæ existenti competens.

Omnes namque in Adam peccasse non est formaliter aliquem in persona deliquisse, sed in origine totam naturam infectam fuisse: & ideo omnes participantem naturam participare peccatum, nam eo modo quo in Adam sunt, peccasse dicuntur; quod non tollit posse sine peccato concipi, sicut nec esse; cum posse in origine à peccato redimi non opponatur successiue ad peccasse in illo.

Quod manifestum sic facio. Omnis propositio de præterito eo est vera, quia in aliquo tempore præsentis fuit vera, ergo eo est verum *omnes in Adam peccauerunt*, quia

Quia in aliquo presenti fuit verum nunc *omnes in Adam peccant*. Quod contrigit tunc temporis, quo committentes erat peccatum: at tunc nemo filiorum eius existerat, & tantum erant in ipso vt in origine, ergo de omnibus vt in origine verificatur propositio in rigore sumpta, aliter de non existentibus prædicari posset esse peccatores, cum eo tempore quo non erant peccare affirmaretur, quod improbabile iudico, quia peccatum cum sit valde accidentale homini inest ei existenti. D. S. 3. p. q. 27. art. 2. nec iungitur in propositione nisi secundum regulam accidentalis suppositionis quæ est *acceptio termini pro aliquo de quo verificatur secundum exigentiam temporis impartatam per verbum propter indifferentiam prædicati cum subiecto*. Quare vt sit vera propositio de presenti necesse est quod vtrumque extremum existat, & pro eodem supponat, si affirmatiua est, quod si fuerit de præterito idem requirit in aliquo transacto presenti: ergo in sensu riguroso litteræ concedenda est absolute prædicta Apostoli propositio, ex eaque nil aduersus intentum sequi dicendum, cum quo tamen stat omnes contraxisse originalem culpam, & contrahere eo quod in Adamo peccauerint, quia ex hoc necessario sequitur illud, si in Adamo non sunt redempti; vti non esse secundum fidem ex Conc. Trident. sess. 5. can. 2. est tenendum, non comprehensa Beata Virgine Maria ex eius mente ibi. *§. Declarat.*

Opponitur Doctor Santus. 3. p. q. 27. art. 2.

Beatam Virginem originalem contraxisse maculam affirmans.

Sine discursu authoritari assentior, cuius intellectum, si forte non perapizem, credo, sufficit mihi ipsum dixisse; non enim quod diuinum illud ingenium concepit

pit attingere presumo, quare hac in re ab eo non discedo.

3 Dico ad obiectionem, D.S. nil agere de puritate conceptionis illo in loco, quare aduersarius non habet ipse. Pro quo notandus est titulus articuli. *Vtrum Beata Virgo fuerit sanctificata ante animationem.* Cum verbis in corpore. *Sanctificatio de qua loquimur non est nisi emundatio à peccato originali.* De qua probat esse impossibile ante animationem, omittens instans animatio nis maiori impossibilitatis ratione, nam in eodem subiecto, & instanti eodem, peccatum & gratiam compati, videtur non posse. At peccatum esse, & mutatio de illo ad gratiam, ita vt in eodem instanti de eodem subiecto affirmari posset est in peccato, & in gratia, & de peccato ad gratiam mutatum, absque eo quod simul sint gratia, & peccatum manifesta est contradictio, idè de primo instanti nihil agit. *Quia iustificatio de qua loquebatur quæ est mundatio à peccato originali per gratiam,* fieri in primo instanti, est impossibile logicum: quare hoc omisit vt manifestius impossibile, & aliud, nimirum, nō posse fieri ante animationem declarauit, quia vt mundetur quis à peccato originali debet esse creatura rationalis, & in peccato existeret, quia mutatio necesse est quod supponat subiectum, & terminum à quo. Vnde concludit quod *sanctificatio de qua loquitur* non potest fieri nisi post animationem, quod omnibus compertum existimo, quia emundatio à peccato in persona supponit illud, sicut resurrectio mortem.

At quam ponimus liberationem à culpa in origine ex meritis Christi, ex qua sine peccato est concepta Beata Virgo, impossibile est fieri post animationem & post peccati contractionem in se, quia non est, cum existit in origine, nam ex vi liberationis in Adamo venit sine peccato, & in gratia concipienda, & non est aliter

D

commu-

communicabilis natura humana tali personæ vt ab Adamo procedit tali supposita liberatione à culpa in ipso, ergo D. S. non est contrarius, & quod ibi tradit, vt indubitatum est admittendum.

Quod multipliciter ostendo. 1. quia loquitur D. S. de sanctificatione in persona, non deliberatione in parente, vt patet per ipsius verba, quibus limitat suam resolutionem *ad sanctificationem. S. de qua loquitur.*

2. Quia non potuit latere D. S. posse Beatam Virginem multis modis à Deo esse liberatam, quod admittit, dum in respons. ad 3. asserit non reprobendam festiuitatem conceptionis, & cum non celebretur nisi sanctum, sanctam probabiliter eam iudicauit, ergo agnouit possibilitatem. At impossibilis est conceptio sancta de sanctificatione, si agamus, *de qua loquitur*, ergo de illa tantum negauit, & de alia nihil egit.

3. Quia notum est hoc iudicium cum limitet, ad sanctificationem illam, resolutionem: nam qui ait *Sanctificatio de qua loquimur*. Aliam agnoscit, quam præterire caute decreuit. Agnoscit namq; quam pono; quia ante animationem, hæc duntaxat ex meritis Christi intelligitur debilis; nam quam hucusque pietas communiter defendit in primo instanti animationis fuisse in persona, nec ante animationem esset nec ex meritis Christi. Vt probat ibi. ipse. Vndè hanc esse sententiam D. S. aperte apparet, quam, ob rationem statim exhibendam, non expressit, quo, absolute aliquid determinare secundum propriam mentem, in ferre non licet, quia nō de sanctitate absolute, & si de illa interroget; sed de qua loquitur, resoluit, quasi diceret, non determino de sanctitate quam Beata Virgo in primo sui esse habuit, *sed de qua loquimur*. Quæ, si conceditur, necesse est dicere in peccato esse conceptam.

Non ergo sanctitatem ad illam de qua loquebatur
restrin-

restringeret, si absolutè verum secundum propriam sententiam, quod tradebat, iudicaret.

Cur autem non expresse mentem, in promptu est ratio, quia vt ipse ibi art. 1. docet quod pertinet ad ordinem gratiæ, si locus scripturæ non inuenitur, quid Ecclesia senserit vt præcipuum fundamentum est expectandum. Quo supposito rationem indagare licet, sine quo cohibere intellectum oportet, nam in mysterijs gratiæ puræ non inquirere, sed obedire est melius. Quare de sanctificatione ante natiuitatem B. V. agens, q. cit. 27. ex consensu Ecclesiæ communi determinans, actionem fundauit pro illa art. 1. & in hoc secundo idè obseruat, quia tunc erat communior sententia, sanctificationem B. V. esse, ea sanctificatione de qua agebat. Quare ad illam limitauit, sententiam, non suam, sed communem, de qua illo in tempore loquebâtur omnes, aliquibus exceptis, quam vt fundaret, rationes, quibus in articulo est vsus, adinuenit, seu adinuentas apposit.

Cumque vt regula Theologorum esset Ecclesiæ datus, subiiciebat, non tantum Ecclesiæ diffinitioni mentem, sed communiori opinioni, non credens suæ, quia melius, & secutius, cum sit in obedientia præstanda Ecclesiæ, est eligendum, nam verus obediens, non tantum quod præcipit superior, sed quod ei placet magis, exequitur: hoc enim est Doctoris magis Catholici, vt cedat suam Ecclesiæ receptiori menti, nam si hoc non sit necessarium, semper est melius, pertinens ad perfectionem, quam ad necessitatem.

Non igitur propria mens sed quod tunc temporis erat in Ecclesia communius determinat ibi, vt ostendunt verba *sanctificatio de qua loquimur*. Ergo nihil de puritate conceptionis absolute egit: sed de tunc temporis sanctificatione vulgata.

Obijcitur tamen quia D. S. ibi probat conclusionē

his verbis. Si quocunque modo ante animationem B. Virgo sanctificata fuisset, nunquam incurrisset maculam originalis culpæ, & ita non indiguisset redemptione, & salute quæ est per Christum, de quo dicitur Matth. 1. ipse saluum faciet populum suum à peccatis eorum. Hoc autem inconueniens est quod Christus non sit Saluator omnium hominum. Ergo sua est sententia B. V. esse sanctificatam post animationem quia inconueniens maximum est quod infert, & inuincibile ex sacre paginæ locis iudicatur, nimirum B. V. non per Christum accepisse gratiam, & esse saluam per eum qui saluator est omnium, quod sequi asserit quocunq; modo dicatur esse sanctam ante animationem; ergo omnem immunitatis modum comprehendit, ergo & in origine, quia quocunque modo distribuit per omnes.

Hoc confirmat ad 2. cum dicit derogare dignitati Christi si nunquam anima Beatæ Virginis contagio originalis peccati fuisset inquinata. Quibus verbis apparet non reliquisse interpretationis locum, ergo Sanctificatio de qua loquitur est quam necessariam putat supposito Christo Redemptore. Non est ergo cur negetur esse eius mentem conceptam fuisse in originali peccato, ut omnes eius fateantur discipuli; suæque scholæ est usque modo communis sententia.

Respondeo D. S. loqui iuxta sensum opinantium illo in tempore B. V. in persona sanctificatam esse in conceptione sine originali culpâ, quæ est opinio pia usque modo à propugnantibus eam communi sensu recepta. Quia propter ait quocunque modo dicatur hoc, sequi non esse per Christum sanctam, nec ipsum esse eius redemptorem, quod credo securum: esset enim sicut Christus, quod insinuat in resp. ad 2. nam redemptio supponit captiuitatem sicut resurrectio mortem, impossibile autem est resurgere non mortuum, ita & redimi non captiuum, ergo persona quæ non fuit captiua redimi nõ.

potest in persona, Persona autem, antequam sit, non valet esse captiua in se, quia non est, quod autem non est, est in se nihil, & non entis nullæ sunt qualitates, cunq; loquatur de sanctificatione in persona, rectè concludit, quia in persona non potest liberari, quæ non fuit in persona ligata. Vndè non habere redemptorem esset dicendum, at liberatio in origine redemptorem habet, eo ordine, quo in ipso est, & in ipso peccauit, Quare perspicuum valde videtur non loqui de huiusmodi immunitatis principio, quod supponit peccatū, & redēptorē exposcit in capite, sed de illo quod redēptionē excludit, & culpā in persona.

Nec elidit rationis efficaciam, quam ponunt moderni redemptionem præseruantem, tū quia præseruare à captiuitate non est redemptio, maxime apud eos, qui nec debitum ad culpam admittunt. Tum quia quod non est nō præseruatur, quia esse est primum quod rei competit, ratione cuius aliud quidpiā, maxime præseruatio, quæ supponit subiectum existens præseruandum, non enim quod non est est præseruabile, quia præseruatio à malo supponit subiectum capax, quod est existens: præseruatio namq; conseruationis, & perfectionis est medium, quæ sequuntur esse, ergo non est possibilis præseruatio respectu personæ non existentis, possibilis autem est infusio gratiæ cum ipso esse, vt in infusione animæ primi parentis euenisse creditur. Hoc autem tollit redemptionis rationem, quæ est S. D. fundamentum non admittendi sanctificationem in persona ante animationem, vt colligitur ex toto articulo & argumentorum resp. maxime ad 4.

Ad id vero de communi consensu discipulorum, & D.S. scholæ dico, hoc non mutare D.S. sensum, nec aliquid in eum influere, nam eo quod vnanimiter dicant omnes. D.S. docuisse aliquid, quod non docuit ipse, non idè doctrinam esse suam fateremur. Omnes namq; quos vidī 3.p.q.78.art.5.asserunt ibi Doctorem Sanctum tene-

re ad substantiam consecrationis sanguinis pertinere verba sequentia ad illa: *Hic est calix sanguinis mei.* Cum ipse dicat ibi. *Per verba hic est calix sanguinis mei significari cō-
iunctionem vini in sanguinem eo modo quo dictum est informa
consecrationis panis.* Reliqua vero verba habent alios effectus. Non autem idē quia ab omnibus affirmatur illud, dicam ego, quia non cum illis, sed cum S. D. loquar.

Nec mirum post aliquot sæcula veritatem patuisse per infirmum medium; quia hoc ad diuinam spectat prouidentiam, modo, & tempore quo vult ille, qui paruulis reuelat, quæ abscondit sapientibus. In Prophetis enigmatica olim loquens multi farie, post quatuor millennaria locutus est in filio palam. Multa enim occultare voluit viris, & si maiori sanctitate & sapientia insignibus, primis sæculis, quæ posterioribus quamuis miseris patefecit, *quia iudicia Dei abisus multa.*

Pro huius mysterij diffinitione proponitur.

DE hac re multa inueniuntur conscripta, maxime his temporibus, quibus pietas circa illam valde feruescit, quæ compilare frustra censeo, duntaxat noua fortassis, seu apud alios per me non inuenta, proferam.

Diffinibile esse hoc mysterium credo certum, quia est totaliter gratiæ, eorum enim quæ ordinis gratiæ, & supernaturalia sunt, ad fidem, cum omne naturæ lumen superent, spectat. notitia: quæ si non dum existunt determinata, & sub dubio controuertuntur, Summi Pontificis Ecclesiæ capitis est quid infallibiliter est tenendum declarare. Hoc est esse diffinibile de fide aliquid, at huiusmodi est hoc mysterium, vt notum est, ergo diffinibile de fide est concedendum.

Dicunt aliqui quod & si speculatiuè sit diffinibile
quia

quia est ordinis gratiæ ; practicè vero non : maxime propria sententia , eo quod non sit apertus scripturæ locus, Sanctorumque Patrum, & Doctorum resistit auctoritas, hoc autem indiffinibile practicè ab extrinseco reddit mysterium: de quo videndi sunt Theologi 2. 2. q. 1. art. 10. ubi de hac re plura disputantes, quæ mihi, qui simplicem intendo propositionem, recensere non vacat.

Dico, multa loca sacræ scripturæ valde congrue pro hac sententia exposita apud authores eam defensantes inveniuntur, nec desunt Patres, & Doctores pro illa, circa quæ Barb. remiss. Conc. Trident. sess. 5. §. *Declarat.* Ubi omnes Doctores antiquos & modernos congerit, qui possunt, si placet, videri. At non esse hoc firmum argumentum arbitror. Nam ex auctoritate sacræ scripturæ negatiuæ, quod non sit aperta pro hac sententia nil sequitur efficax, (aliter nil esset de fide non scriptum) esset tamen si inueniretur contraria; videbatur talis Paulus ad Rom. 5. & non opponi demonstratum est, Patrum vero testimonia quid operentur: Consulatur Can. de locis. l. 7. cap. 1. non ergo indiffinibile, ex hoc, est iudicandum, quod pro se habet demonstrationem Theologicam. Nam eodem ex capite diffinitum est Christum Dominum duas habere voluntates. Ut patet per Eugen. 4. in Conc. Florent. ex eo quod habet duas naturas necessario inferentem habere duas voluntates, hæcque ratione anatematizantem Macharium Antiochenum, & sequaces fatentes duas naturas in Christo, & vnā tantum voluntatem in eo admittentes. D. S. 3. p. q. 18. art. 1. diffinibile ergo est concedendum.


Cui accedit auctoritas Doctoris Sancti de medio subblata, quæ contraria, dum putabatur, obstabat diffinitioni, & videbatur hac de causa indiffinibile ab extrinseco, tanti in Ecclesia habetur eius sententia, quam ex dictis non aduersari, si euidenter non censeatur probabiliter
ne-

negari non potest, quod vt non sit obex, est satis.

Definiendum esse ostenditur.

Sino plura à modernis tradita, & quæ in alijs similibus
Seuentibus fuerunt definiendi causæ vt testantur conci-
lia, hæ namque magis in præsentiarum cogunt, quia cre-
uerunt nimis. Pax communis exposcit, pietas clamat,
compellit veritas, & Ecclesia tumultibus fluctuans tran-
quillitatem implorat: sedentur seditiones, vitentur scan-
dala, fidelis plebs labij vnus existat, ne detur, vt necesse
est in contraditorio opinabili, falsitati cultus, qui veritati
debetur, cui malo impedimentum apponere Summa Ec-
clesiæ tenetur authoritas, quando quidem suum duntaxat
fatemur quod nam sit verum in rebus ad fidei dog-
mata spectantibus decernere, quia omnem naturalem su-
perant rationem: quare cum Ecclesiâ indiget, determi-
nare est necesse, nec suspendi posse videtur ne tot nutria-
tur inter Catholicos mala, quod si fides adhibeatur histo-
rijs, nunquam sic vrsit necessitas.

Si autem obstaculum reputabatur Prædicatorum or-
do, nunc ob eius honorem piam sententiam diffiniri o-
portet, si faxit Deus, hic, vt spero, rem tantam operetur
discursus, vt sicut quodammodo totius veritatis hic or-
do semper extitit propugnaculum, sit per me filium eius
indignum huius quam impugnavit patronus, & in
dissensu autoritate, & in assensu gloria
refulgeat.



S. On En. de F. v. r. a. y.
S. On En. de F. v. r. a. y.



